

Gobierno di MEP cometiendo entreguismo di marca mayor

ORANJESTAD (AAN) – Ken por a pensa cu net gobierno di MEP lo bay den historia como e gobierno mas entreguista cu tur otro cu e yega di goberna?

Esaki ta loke ta bin ta tumando lugar durante ultimo 5 aña unda cu sistematicamente gobierno di MEP a manda un cantidad grandi di hefe di departamentonan cas pa despues sea pone fiends and family na e puestonan cu a keda habri of busca hulandesnan europeo pa tuma over.

Ultimo informenan ta mostra cu Seguridad Nacional tambe lo worde tuma over door di un hulandes europeo kende lo ta na Aruba caba, mientras Servicio di Post ya caba ta den man di un hulandes europeo, aeropuerto tambe, Cuerpo Policial lo haya u comisario hulandes europeo, Douane tambe lo haya pronto un hefe hulandes, na Finanzas Nilo Swaen ta poniendo hulandesnan europeo riba puestonan cu por worde atendi facilmente door di varios yiu di tera cu ta bon studia y pronto cabes di Jossy Lacle tambe mester worde bula segun rumornan cu ta core pasobra pa WEB tambe lo tin un hulandes europeo ta keinta banki pa tuma over y Banco Central su presidente tambe ta sinta riba un stoel basta cayente pasobra su cabes tambe ta

riba lista di MEP pa worde bula y no lubida cu hospital a caba di haya un hefe nobo den calidad di otro hulandes europeo y pa colmo un pensionado; no tabata tin un solo yiu di tera cu tambe por a haci e trabao ey?

Douaneronan rabia a laga sa caba cu si tin un hende cu mester laga cay pa otro tuma over, esey ta ministro Nilo Swaen y no cu nan hefe tin cu bay hala un banda pa un hulandes europeo bin tuma over.

Pregunta awor ta keda: ta kico mas tin pa entrega?

Loke a keda ta Santa Rosa unda aparentemente tambe lo tin un Boer Krelis Koedood cla pa bin tuma over pa siña tur hende con pa atende cu porco y con pa traha keshi crioyo netamente arubiano pasobra na Hulanda tin hollandse kaas y a bira tempo cu aki tambe mester tin arubaanse kaas.

Den pasado tempo cu MEP tabata den oposicion nan tabata goza un mundo cu e criticanan encunto entreguismo riba e gobierno anterior y ta masha fanfaria MEP tabata haci cu esey, pero awor nan a bin resulta di

ta mas entreguista cu cualkier otro gobierno.

Gobierno di MEP ta cometiendo entreguismo di marca mayor y pa ora cu yiunan di tera bolbe di studia na Hulanda y otro paisnan nan por wel dobla warda pa

haya puestonan halto den gobierno pasobra ta ora cu Jan, Piet, Kees cu Klaas bay cu pensioen basta bon danki, kizas e ora ey nan por haya un chance; Biba MEP y Nos por hopi pero hopi mas!

Autoridad investigando caso serio

Molotov Cocktail tira den camber cu tres mucha aden

ORANJESTAD (AAN): Loke a socede na Playa, por hasta worde considera como un intento serio di asesinato.

Diahuebs mainta pa 9'or, unidad di Polis di Oranjestad a worde manda na un cas den Professor Lorentzstraat na unda tin un caso di kiebro.

Pero a resulta cu e caso aki ta mas serio aun!

Na yegada, polis a papia cu


un señora di Nacionalidad Dominicano, kende a bisa nan cu pa mas o menos 1'or di marduga un homber desconoci a kibra e bentana di camber y tira un Molotov Cocktail door di esaki.

Na e momento ey e señora en cuestion tabata drumi cu su tres yiunan den camber y e Molotov Cocktail a hasta dal contra un di e muchanan.

Door di esey nan a lanta mesora y a logra paga e candel na tempo sin cu el a causa daño.

E señora a duna Polis mas detaye di e caso serio aki y a entrega e resto di e Molotov Cocktail na Polis, pa esey despues sigui pa Recherche. E caso ta bou di investigacion.

TUR TUNNEL TIN UN FIN!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

